

OKONČANJE PROJEKTA IDENTIFIKACIJE I MAPIRANJA ILEGALNIH DEPONIJA SMEĆA U ŠUMAMA I NA ŠUMSKOM ZEMLJIŠTU NA PODRUČJU SBK - OPĆINA JAJCE I OPĆINA VITEZ.

Ministarstvo poljoprivrede, vodoprivrede i šumarstvo - Kantonalna uprava za šumarstvo Srednjobosanskog kantona nastavilo je kontinuitet realizacije projekata **Identifikacije i mapiranja ilegalnih deponija u šumama i na šumskom zemljištu na području Srednjobosanskog kantona**, potvrđujući svoju opredijeljenost zaštiti prirodnih resursa i unapređenju stanja životne sredine.

Nakon što su u prethodnom periodu realizovani projekti na području općina **Travnik, Novi Travnik i Busovača**, tokom 2025. i 2026. godine aktivnosti su nastavljene na području općina **Jajce i Vitez**, te je dana 29.05. i 02. 07. 2026. godine, izvršena primopredaju izrađenih Mapa ilegalnih deponija predstavnicima lokalnih zajednica Općina Jajce i Općina Vitez, čime je uspješno okončana realizacija navedenih Projekata.

Finansijska sredstva za realizaciju ovih projekata osigurana su iz namjenskih sredstava za zaštitu i unapređenje stanja postojećih i podizanje novih šuma te za ruralni razvoj, a shodno Odluci Vlade Srednjobosanskog kantona o usvajanju „Programu utroška sredstava „Transfer - poticaj šumama u skladu sa Zakonom o šumama SBK“. Nosilac izrade navedenih projekata je Asocijacija privatnih šumoposjednika Srednjobosanskog kantona

Realizacija navedenih Projekata kroz provedeni postupak identifikacije, evidentiranja i kartografsko prikazivanje ilegalnih deponija u šumama i na šumskom zemljištu, predstavlja značajan korak u zaštiti šumskih ekosistema i unapređenju upravljanja prirodnim resursima na području Srednjobosanskog kantona.

Izrađene mape predstavljaju kvalitetnu stručnu i tehničku osnovu za pripremu projektnih prijedloga jedinice lokalne samouprave, javnih komunalnih preduzeća, kao i ŠPD/ŠGD „Srednjobosanske šume/Šume Središnje Bosne“ d.o.o Donji Vakuf i dr. za apliciranje prema domaćim i međunarodnim fondovima, s ciljem osiguranja finansijskih sredstava za sanaciju i uklanjanje evidentiranih ilegalnih deponija u narednom periodu.



Ovakvi projekti predstavljaju važan doprinos očuvanju prirodnih resursa, podizanju svijesti o zaštiti okoliša te stvaranju pretpostavki za efikasnije upravljanje i sanaciju područja ugroženih nepropisnim odlaganjem otpada.